



Bordi i Zyrës së Rregullatorit për Energji,

Duke marrë parasysh:

- Dispozitat e Nenit 8 paragrafi 1, nënparagrafi 1.6, Nenin 14 paragrafi 2 nënparagrafi 2.2, Nenin 25 dhe Nenin 30 të Ligjit për Rregullatorin e Energjisë (Ligji Nr. 03/L-185);
- Dispozitat e Nenit 6, Nenit 18 paragrafi 3, Nenit 24 dhe Nenit 32 të Rregullës për Licencimin e Aktiviteteve të Energjisë në Kosovë;
- Dispozitat e Nenit 11 paragrafi 1 të Ligjit për Parandalimin dhe Kontrollin e Integruar të Ndotjes, (Ligji Nr. 03/L-043),
- Aplikacionin për vazhdim të licencës për prodhim të energjisë elektrike të bërë me datë 19.11.2010 nga ndërmarrja Korporata Energjetike e Kosovës –Divizioni i Gjenerimit “KEK SH.A.”-TC Kosova “A”, adresa: rruga “Nënë Tereza nr. 36, 10000 Prishtinë, Republika e Kosovës,
- Kërkesën për shtyrje afati të licencës për gjenerim të energjisë elektrike për TC Kosova A, e datës 29.02.2012 dhe shkresën (e-mailin) e datës 19.09.2012;
- Kërkesës për Leje Mjedisore të Integruar të KEK sh.a të datës 01.03.2012, drejtuar Ministrisë së Mjedisit dhe Planifikimit Hapësinor (MMPH)
- Përgjigjen e Ministrisë së Mjedisit dhe Planifikimit Hapësinor (MMPH) Nr. ZSP-666/2012, të datës 11.09.2012, në Kërkesën për Leje Mjedisore të Integruar të KEK sh.a;

në seancën e mbajtur me datë 01 tetor 2012, nxori këtë:

VENDIM

- I. I VAZHDOHET** licenca për prodhim të energjisë elektrike Korporatës Energjetike të Kosovës – Divizioni i Gjenerimit (KEK SH.A.)-TC Kosova A, me numër licence ZRRE/Li_05/12_A, për periudhën nga **04 tetor 2012** deri **04 tetor 2013**.
- II. Obligohet** KEK SH.A. që brenda periudhës së përcaktuar në pikën një (I) të dispozitivit të këtij Vendimi, ta siguroj nga MMPH Lejen Mjedisore të Integruar, dhe një kopje ta dërgoi në ZRRE.

Arsyetim

- Zyra e Rregullatorit për Energji (ZRRE) me datë 28.02.2012 ka pranuar nga KEK SH.A Kërkesën për Vazhdim Licence për prodhim të energjisë elektrike nga KEK Sh.a.–Divizioni i Gjenerimit”-TC Kosova “A” për periudhën nga 04.10.2012 deri me 04.10.2020, ndërsa me datë 19.09.2012 KEK Sh.A dërgon një shkresë (e-mail) me të cilën kërkon revidimin e shtyrjes së afatit nga **04.10.2012 deri me 04.10.2017**.
- Me vendimin e datës 30 shtator 2011 (Nr. V_380_2011), Bordi i ZRRE-së i kishte vazhduar licencën për prodhim të energjisë elektrike KEK SH-A - TC Kosova A për periudhën nga 04 tetor 2011 deri 04 tetor 2012, duke e obliguar KEK SH.A- Divizioni i Gjenerimit TC Kosova A që brenda periudhës së përcaktuar në pikën një (I) të dispozitivit të këtij Vendimi, ta sigurojë nga MMPH Lejen Mjedisore të Integruar, dhe një kopje ta dërgojë në ZRRE.
- Bazuar në Vendimin e ZRRE-së të cekur më lartë, KEK SH.A me datë 01.03.2012 kishte bërë “Kërkesë për Leje Mjedisore të Integruar” në MMPH.



- MMPH me datë 11.09.2012 i përgjigjet KEK-ut në Kërkesën për Leje Mjedisore të Integruar, ku e njofton se: “MMPH ka pranuar aplikacionin për Leje Mjedisore të Integruar dhe është duke e shqyrtuar lëndën, në bazë të Ligjit për Parandalimin dhe Kontrollin e Integruar të Ndotjes (Ligji Nr.03/L-043), ku Neni 11 i këtij ligji parasheh që të gjitha impiantet ekzistuese, në këtë rast KEK-u, duhet të harmonizohen me kërkesat që përcaktohen me dispozitat e këtij ligji jo më larg se 31 dhjetor 2017, duke marrë parasysh Planin e propozuar të Orarit të Përputhshmërisë për atë impiant.
- ZRRE, me shkresën e datës 26.09.2012, i është drejtuar MMPH me kërkesë që ta njoftojnë ZRRE se deri ku ka mbërri TC Kosova A me përmbushjen e kërkesave mjedisore dhe kur pritët që MMPH ti lëshoj KEK sh.a. Lejen Mjedisore të Integruar. Deri më sot ZRRE nuk ka marr asnjë përgjigje.
- ZRRE, duke marrë parasysh këtë që u tha më lartë, dëshmime të bashkëngjitura në aplikacionin për licencë, shkresave të bashkëngjitura kërkesës për vazhdim të licence, dhe duke u bazuar në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.

III. Vendimi nxirret në gjuhën shqipe dhe do të përkthehet në gjuhën serbe dhe angleze. Në rast të mospërputhjes midis versioneve, do të mbizotërojë versioni në gjuhën shqipe.

IV. Vendimi hyn në fuqi në datën e miratimit nga Bordi i ZRRE-së dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të iniciojë konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Vendimi t'i dërgohet:

- Korporatës Energjetike të Kosovës (KEK SH.A)

Bordi i ZRRE-së

Enver Halimi, kryesues

Përparim Kabashi, anëtar

Blerim Koci, anëtar

Merita Kostari, anëtare

Krenar Bujupi, anëtar